

## **Mama e Isposa**

Collega, a cuntemplare ti cumbido  
su momentu fatale de terrore,  
in ojos de s'isposa 'ido s'amore  
ma totu s'esser meu in mama 'ido;  
in s'estremu momentu mi detzido  
de salvare s'afetu superiore  
de mama, chi a su mundu m'at batidu  
e fatu mannu, educadu e nutridu.

### *A. Cubeddu*

Deo salvo s'isposa eletta cara  
ca in issa apo fissa ogn'isperantzia,  
l'amo cun totacanta s'importantzia  
fin'a cando mi ponen in sa bara  
ca, cun sos dultzes risos de sa lara,  
cun s'amore, sa vida, sa costantzia  
mi fateit felice ca est magnanima,  
dendemi vida, coro, idea e anima.

### *A. Ninniri*

A mama deo rispetto e adoro  
che-i su sacramentu intrende in missa,  
poite m'at parturidu e non l'ignoro  
e pateit pro me costante e fissa.  
Ma s'isposa m'at dadu anima e coro,  
comente anima e coro dei a issa:  
duncas su primu postu est riservadu  
a chie coro e anima m'at dadu.

### *A. Ninniri*